



Մ Ա Յ Ր Ա Թ Ո Ռ Ո Ւ Մ

ՕԳՈՍՏՈՍԻ 19-ին, ԵՐԿՈՒՇԱՐԹԻ, «Յիշատակ մեռելոց»: Մայր Տաճարում պատարագեց հոգեշնորհ Տ. Մաշտոց արքեպիսկոպոսը: Հավարտ սուրբ պատարագի կատարվեց հոգեհանգիստ «վասն համօրէն ննջեցելոց»:

ՍԵՊՏԵՄԲԵՐԻ 1-ին, ԿԻՐԱԿԻ, «Տօն գիւտի դօտւոյ Սրբուհւոյ Աստուածածնի»: Մայր Տաճարում պատարագեց արժանապատիւ Տ. Հակոբ քահանա Հակոբյանը:

Սուրբ պատարագին ներկա էր Վեհափառ Հայրապետը:

ՍԵՊՏԵՄԲԵՐԻ 4-ին, ՉՈՐԵՔՇԱՐԹԻ, Մայր Աթոռ ժամանեց Կալիֆորնիայից եկած ուխտավորների առաջին խումբը՝ բաղկացած 33 հոգուց: Երևանի օդանավակայանում ուխտավորներին դիմավորեցին հոգեշնորհ Տ. Նղիշե և Տ. Մուշեղ վարդապետները:

Ուխտավորները Մայր Աթոռում կմնան շուրջ 20 օր, կայցելեն այլ սրբավայրեր և Հայրենիքի տեսարժան վայրերը:

ՍԵՊՏԵՄԲԵՐԻ 8-ին, ԿԻՐԱԿԻ, «Տօն ծննդեան Սրբուհւոյ կուսին Մարիամու յԱննայէ»: Օրվա տոնի կապակցութեամբ Մայր Տաճարում պատարագեց և քարոզեց հոգեշնորհ Տ. Մեսրոպ վարդապետ Անթարյանը:

Սուրբ պատարագին ներկա էր Վեհափառ Հայրապետը:

Սուրբ պատարագին ներկա էր նաև Կալիֆորնիայից եկած ուխտավորների խումբը, որոնք հետ սուրբ պատարագի պաշտոնապետ ներկայացան Վեհափառ Հայրապետին Նրա օրհնութիւնը ստանալու համար:

ՍԵՊՏԵՄԲԵՐԻ 16-ին, ԵՐԿՈՒՇԱՐԹԻ, «Յիշատակ մեռելոց»: Մայր Տաճարում պատարագեց հոգեշնորհ Տ. Մաշտոց արքեպիսկոպոսը: Հավարտ սուրբ պատարագի կատարվեց հոգեհանգիստ «վասն համօրեն ննջեցելոց»:

ՍԵՊՏԵՄԲԵՐԻ 20-ին, ՈՒՐԱՒԹ, առավոտյան ժամը 11-ին, Վեհափառ Հայրապետը Երևանի օդանավակայանից մեկնեց Բաքու հովվապետական այցելութիւն:

Վեհափառ Հայրապետին ճանապարհեցին Մայր Աթոռի ամբողջ միաբանութիւնն ու պաշտոնեւորները:

Ողջերթի համար Երևանի օդանավակայանն էր եկել նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ պարոն Սարգիս Գասպարյանը:

Վեհափառ Հայրապետին ընկերակցում էին գերաշնորհ Տ. Սահակ և Տ. Վարդան սրբադասները, հոգեշնորհ Տ. Հայրիկ վարդապետ Ավետիսյանը, հոգեշնորհ Տ. Հուսիկ արքեպիսկոպոսը և բարեշնորհ Հովհաննես սարկավագ Դանիելյանը:

ԱՅՑԵԼՈՒԹՅՈՒՆՆԵՐ

ՕԳՈՍՏՈՍԻ 14-ԻՆ ՄԱՅՐ ԱԹՈՌ Ս. ԷՋ-ՄԻԱՄԻՆ այցելեց անգլիական գրող և խաղաղության կողմնակիցների շարժման ակտիվ մասնակից Ջեյմս Օլդրիջը իր տիկնոջ և երեխաների հետ: Ջեյմս Օլդրիջը՝ «Դիվանագետ» և «Որսորդ» վեպերի մեծանուն հեղինակը՝ եղավ Մայր Տաճարում, եկեղեցահնագիտական թանգարանում և հետաքրքրվեց Մայր Տաճարի շինության և պատմության մանրամասնություններով:

ՕԳՈՍՏՈՍԻ 15-ԻՆ Ս. ԷՋՄԻԱՄԻՆ այցելեց «Մանչեստր գարդիան» թերթի թղթակից Էննա Վենդերը:

ՕԳՈՍՏՈՍԻ 20-ԻՆ Ս. ԷՋՄԻԱՄԻՆ այցելության եկավ «Կամո» կինոժապավենի սցենարի հեղինակ Մարկ Մաքսիմովը:

ՕԳՈՍՏՈՍԻ 28-ԻՆ ՄԱՅՐ ԱԹՈՌ Ս. ԷՋՄԻԱՄԻՆ այցելեցին Ֆինլանդիայի Սեյմի մի

խումբ դեպուտատներ, որոնց թվում գրականության և արվեստի պրոֆեսոր Վուրեն-րինեն Տոյլո Իլմարին (պատվիրական ղեկավար): Հարգելի հյուրերը եղան Մայր Տաճարում և թանգարանում: Ապա հյուրերը Վեհարանում ընդունվեցին Վեհափառ Հայրապետի կողմից, որը ջերմ զրույց ունեցավ նրանց հետ:

Ֆինլանդիայի Սեյմի դեպուտատները հրաժեշտ առին Վեհափառ Հայրապետից և Մայր Աթոռից լավագույն տպավորություններով:

ՕԳՈՍՏՈՍԻ 30-ԻՆ Ս. ԷՋՄԻԱՄԻՆ այցելեց հունգարական ճարտարապետների պատվիրակությունը, որին գլխավորում էր դոկտոր Գեյրո Լասլոն: Հյուրերը հետաքրքրությամբ դիտեցին հնամենի Տաճարը:

Հունգարական ճարտարապետների պատվիրակությանը վերջում ընդունեց Վեհափառ Հայրապետը:

Մայր Տաճար այցելողներին ընդունում և սուաջնորդում էր թանգարանի վարիչ հոգեշնորհ Տ. Հուսիկ արքեպան:

